

मञ्जुश्री पुस्तकमाला १

पद्म निकुञ्ज



नेपालभाषा (नेपालि)

— लेखक —

“हृदय”

— प्रकाशक —

एस० पी० व दी० पी० उपासक

साइकल स्टोर, कालिम्पु ।

प्रथम वार १०००]


[मूल्य कं ५]

नेपाल संवत् १०५३ श्रीपञ्चमी

सूची

भूमिका
समर्पण (माँ)
भगवान बुद्धया स्तोत्र	१
स्मृति	३
युधिष्ठिर धर्म सम्बाद	८
षट्पति	१८
आरती	२३
प्रवास	२४

भूमिका



धन्य साहस ! जिके नत विद्यायोग्यता दु नत रचना कौशल्यता
नत शास्त्र नैपुण्यता दु नत लेखन सारल्यता, खास याना थ्व पुस्तक
च्चेगु ज्यायात जा ताता हाकःगु विद्या भूषण दूर्पि नरपुङ्गव
पिनिगु परम आवश्यक परन्तु मसः मस्युसां तवि हर्षदेव जुजु या
'नभसि गरङ्ग याति किं न याति द्विरेफा ?' धैगु उक्ति थे' जिनं
थःगु थ्व क्षुद्र लेखनीया शक्ति थर्थे मने लूगु यात संक्षिप्त रुपं निगु
शब्द जोडें याना थ्व तुच्छ पुस्तक पाठक पिनिगु न्होने उपस्थित
याना विज्ञ पाठक पिसं थ्व पुस्तक मनन याना थ्व मूर्ख हे थथे सफु
दयेकेगुली दुःसाहस यात धासंजि जिमिसं छाय मयायेगु ? धका
तम्बेका अवश्य मेमेगु सफु वरावर प्रकाशित याना थ्व अल्प बुद्धि या
महान् परिश्रम सार्थक याना दिई धैगु महान् आशा ।

निवेदक

—हृदय



❀ समर्पणा ❀

माँ !

(इन्द्र वज्रा छन्द)

(१)

योमाँ ! मदून्हां छिति दुःखहारी ।
संसार सं मेव महोपकारी ॥
न्हापां तया छिं तल गर्भ पद्मे ।
बिन्ती गुली यां ? नर यागु जन्मे ॥

(२)

दुःखोपभोगी पर यागु निम्ति ।
दैला सुयाकें थुलि आत्म शक्ति ?
हा ! जन्मबीत गुगु दुःख पीड़ा ।
छिं भोग यागू मखुसो व क्रीड़ा ॥

(३)

प्रसूतिका पुत्र वतीत तोता
मस्यू सुनानं उगु दुःख माता !
व्हीवं मचाया नव—प्राण तैंत
तुरन्त भातां बिइ दुग्ध नैंत ॥

(४)

प्रत्येक मातां थव पुत्र पित्त
याना तई स्नेह अहा अनन्त ।
चान्ही मधा से गुलिखे विचार
याना व्वलं का तल बार बार ॥

(५)

मुत्रादि नाना मल यात शुद्ध
याना मधांछिं गबलें अशुद्ध ।
ह्नीका सिका नित्य दया अखण्ड
माता ! तया न्वा इगु मन्द मन्द ॥

(६)

आनं लुमंनी उगु नित्य तैगू
 न्हिन्हि म्हितानं जननी ! मगागू ।
 माता छिगू अङ्क* महा अमूल्य
 आनन्द बीगू थन स्वर्ग तूल्य ॥

(७)

लोके मदून्हाँ गुरु छी समान ।
 वि द्वाण्पि सं धैतल नं महान ॥
 गुरू सिवे नं गुरु धाय योग्य ।
 कारण् मचातेँ जुलमां निरोग्य ॥

(८)

छियाको सेवा जिमि व्याक्क जीविं
 फैला पलेसा पुत्येगू छु सर्वे ॥
 तथापि फक्को रतिमात्र जूसाँ ।
 सेवा नरं यायगु मातृ भाषाँ ॥

* अङ्क — मूले ।

(६)

हा ! माँ ! छिगू प्रेम सुपूर्ण वाणी ।
 आनन्द दायी गुण यागु खानी ॥
 परम् सुयाके मदु भाग्य धैगू ।
 थ्व छंगु प्रीती गन वैत दैगू ?

(१०)

स्वमाम यागू उगु स्नेह वाक्य ।
 जूया च्वनीगू नर जाति ऐक्य ॥
 पूज्याति पूज्या गुण माम यागू ।
 लो मंक्य ज्यूगू मखु मागु मागु ॥

(११)

सद्गु द्वि आदी गुण यात बीया ।
 तःगू बिधातां नर पद्वि सीया ॥
 स्वमाम या स्नेह सुपूर्ण प्रीति ।
 लोमंह्य ज्वीगू नर पद्वि च्यूति ॥

(१२)

माता धयागू थुगु शब्द जक्क ।
 संयोग ज्वीव उगु शब्द फुक ॥
 माता समःज्वी सुख बीह्न खासा ।
 ख “जन्म भूमी” थव “मातृ भाषा” ॥

(१३)

तस्मात् योमाँ ! थुगु ब्याक्क छँगू
 देँका जिनं “पद्य निकुञ्ज” न्हूगु
 अत्यन्त श्रद्धामय भक्ति याना
 थौँ छन्त हे अर्पण याय नाःनाः
 —मातृविहीन बालक
 हृदय ।

पद्य निकुञ्ज

भगवान् गौतम बुद्धया स्तोत्र ।

(शार्दूल विक्रीडित छन्द)

(१)

भो गौतम ! छलपोलया चरण सं अष्टाङ्ग

याना प्रणाम्

विन्तीयाय नितान्त नम्र जिजुया सर्वज्ञ यागू वयान्
यायेजा गवले फड् नरजनं श्रीशेष नागं मफू ?
यद्यपि सुमुकं च्वने जि मछुया याये भचा छुंफुगु

(२)

न्हापां याय मणी सहीत शिरया फःसां मफूसां थुलीं
पाल्पाल्थ्या छिगु केश कोकिल समः चूडामणी थीगुलीं
ख्यायाजा उपमा विये जिन्नं मफू श्रीचन्द्र कान्तीगन ?
रइमी भाष्कर यागु नं रति खने दैगू मखू छुं अन

(३)

पाकाला तलगू सुवर्ण सम गू रश्मिं परीपूर्णगू
 भो सर्वज्ञ ! विशाल निर्मल कपा दून्हां छिके शुद्धगू
 होगू उत्पल पत्र थें हिसि दुगू ध्यानीगू सुदृष्टिदू
 आकाशे वइगू सुरेन्द्र धनुथें ज्यागू भृकूटी छिगू

(४)

वाजादु हिमथें अतीन यचुगू च्वेनीपु केनंउली
 भोशास्ता ! छलपोलया म्हुतु सिया लुधाय ह्याउ गुली
 सन्सारे च्वनपिं असंख्य जनया याये धका मङ्गल
 व्याख्यायात सुप्राणि खः सम धका वाणी तरूया फल

(५)

च्वामो आदि सुस्वस्ति दु सुकर सं चिन्हं परीपूर्णगू
 ताहाल्हा सुपचिं पुलिं भति भती काहां वया च्वोनगू
 चक्रालङ्कृत दू छिगू चरण या याये गुली वर्णना ?
 भोस्वामिन् ! छलपोलया चरणसं याना न्हिथं वन्दना

(बुद्ध धर्म)

* स्मृति *



(वसन्त तिलक छन्द)

[१]

सर्वज्ञ गौतम मुनी अति नम्र साथ
न्हित्थं छिगू चरणसं जिगु तेंगु माथ
थोहे छिगू स्थल खओ शुभ ख्याति नाम
भारत् धका जुल प्रभो ! गुगु पुण्य धाम

[२]

लुम्बीनि नाम बनया विच यागु भागे
चवङ्गू “पिला” धक सुनाम गु वृक्षया ववे
जन्मःकया दिल प्रभो ! छल पोल बुद्ध
शक्रादि देव सकलें अन ओल शीघ्र

[३]

संसार या मनुज पित्त तया करुणा
 पुत्रादि पति सहितं फुक त्याग याना
 त्यागी जुया प्रभुजिनं भवजाल चीका
 दुःखादि मात्र दु धका वन झाल सोका

[४]

चाचा हिला वन विचे गनदै सुज्ञान
 माला विज्यात प्रभुछि जगते समान
 किन्तू प्रभो ! जगत सं छलपोल यात
 लोगू मलू रतन वोधि अमूल्य कांत

[५]

“अष्टाङ्ग” नाम सुसमाधि कया सुअन्न
 छूं हे मदी थननया छिजुया प्रसन्न
 पीडाजक जुल उकीं भति हे सुज्ञान
 लाये मफू शरिर ग्लानि जुयाव ओन

[६]

खाली थुकीं थुलि छिनं शुभज्ञान लात
सीतार थाँत थिक यायगु तार यात
भापा थुली दशवलं फुक योग तोता
भोजन् कया दिल छिनं विवगु सुजातां

[७]

बोधी गयास च्वन बोधि सुवृक्ष याक्वे
याना विज्यात छिन आसन कूश याच्वे
लाना विज्यात छलपोलन बोधि ज्ञान
दीपंकरादि सकलें मुनिपिं समान

[८]

“याये सुयात थुगु योग्य जुई सुदान”
याना विचार प्रभुनं जगते प्रधान
व्याख्यान यात जन पिन्त तया करूणा
शंका मदैक भगवन् ! रति मात्र नाना

[६]

श्रीशाक्य सिंह प्रभुया उपदेश वाक्य
 सम्पूर्ण प्राणि सकलें थनज्वीगु ऐक्य
 थ्व उच्च नीच धइगू रतिहे म भापे
 धाई प्रभूजिनवरं थुकि यात याप्य

[१०]

श्रीबुद्ध शासन जुया च्वनगू सुकाले
 भिन्नादि भाव मदुछुं जग दिदिगन्ते
 सुंनापनं कलह छुं मदु सो परस्पर्
 मायादु बन्धु समन्हां जन पिं सरासर्

[११]

सां व्याघ्र नाप त्वनिगू जलसो तडागे
 हस्ती व सिंह बनया बिच यागु भागे
 तिं तिं न्हुया सनिगु जन्तु अनेक माथं
 निर्भीक निर्भय जुया जुइ फुर्ति साथं

[१२]

किन्तू वहे स्थल छिगू जुल प्रेम शून्य
स्वभ्रातृ भाव दुगु सा गुलि दैगु मान्य ?
थौँ बन्धु भाव धइगू रति मात्र मन्त
केवल विरोध जक ज्वीगु मद्र सुशान्त

[१३]

लीला स्थले पुन छोको अवतीर्ण ज्वीगु
वेला जुल प्रभु अज्ञान विध्वंस यांगु
न्हिं न्हिं महाकलहनं थन राज्य यात
आजा जिपिं सकल खोयगु सत्य गात
(बुद्ध धर्म) ।

महाभारत वनपर्वान्तर्गत
युधिष्ठिर धर्म सम्वाद
(इन्द्र वज्रा छन्द)

[१]

यक्ष— न्हापां जिगू थो फुक कुन्तिपुत्र !
प्रश्नादिया उत्तर व्यू पवित्र
थ्वप्रश्नया उत्तरवी धुसेंली
लीपा त्वनेदै जल छं पुखूली

[२]

युधिष्ठिर—भो यक्षराजा ! लु जुयेगु आज्ञा
नेना विज्याहूं गुगु मागु संज्ञा
शंका भतीहे मदयेक भूक्त
प्रश्नादिया उत्तर वी तुरन्त

[३]

यक्ष— पृथ्वीसिबे तः धनगू लुनाम ?
 आकाश यांच्वे गन पुण्य धाम ?
 वायू सिकं व्वां वन्यतः सु छत्तु ?
 कपां सिनं याउँगु दै छु वस्तु ?

[४]

युधिष्ठिर—पृथ्वीसिबे मान्यह्मखः सुमाता
 आकाश यांच्वे च्वन ह्मः स्वपीता
 वायू सिकं व्वां वनिह्मः थ्व चित्त
 याउँ सुनां याचन याइ वित्त

[५]

यक्ष— पद्देशया मित्र सुज्वीगू लोह्म ?
 गृहे सुज्वी मित्र समान भिंह्म ?
 रोगी जुया चोनि बले सु मित्र ?
 मर्णान्त काले गुगु ज्वीगु मित्र ?

[६]

युधिष्ठिर—पदेश या मित्र जुई सुविद्या
 गृहे जुई मित्र थओह्य भाय्या
 रोगी ह्यस्या वैद्य जुई सुमित्र
 अन्ते जुई दान अती पवित्र

[७]

यक्ष—शत्रू सुज्वी व्याक्र सिबे महान ?
 छू रोग याज्वी मखुगू निदान ?
 छुयात धाई शुभ धर्म धैगू ?
 धाई गु दुष्कर्म धका छुयांगू

[८]

युधिष्ठिर—दक्के सिबे शत्रु महान क्रोध
 वासः मदूगू जुल रोग लोभ
 धाई प्रभो ! उत्तम धर्म सत्य
 दुष्कर्म धैगू जुलन्हां असत्य

[६]

यक्ष— लुयात धाई तप पाण्डुपुत्र !
 लु कार्य्य या नां दमज्जी विचित्र ?
 अहा ! क्षमा धैगु जुई गज्यागू ?
 लज्जा धयागू गुगु यात धागू ?

[१०]

युधिष्ठिर—स्वधर्म यातः दृढं ज्वीगु जूसा
 याना च्वनेगू तप धाई खासा
 विलास याकें मन तेंगु थातं
 श्वयात धाये दम फुर्ति साथं

[११]

शत्रू व जूसां सम भाव यांगू
 क्षमा धका सो थुकियात धागू
 दुष्कर्म धैगू रतिहे मयाह्व
 वयात धां न्हां थन शर्म चाह्व

[१२]

यक्ष— आश्चर्य्य धाई गुगु यात सौम्य !
 लुयात धाई लँ धका सुरम्य ?
 धाये सुवार्ता गुगु यात योग्य ?
 धाधा ननानं फुक राजभोग्य !

[१३]

युधिष्ठिर—सिनाव चोनः फुक जीव नित्य
 तथापि बाकी दनिपिं मनुष्य
 म्वाना च्वने धैगु सदाभिलाषा
 आश्चर्य्य धैगू जुल न्हां थ्व खासा

[१४]

व्याख्यान याये मफु मार्ग यागू
 अनेक पन्था जगतेदु मागू
 भी शिष्ट पूर्वां गुगु पन्थ कागू
 पन्था धका सो उकि यात धागू

[१५]

सन्सार रूपी भुतुली चवनाव
करालकालं चवन न्हं खुनाव
खासी दयेका तल मोह रूप
दिनादि रात्री जुल सी स्वरूप

[१६]

छ्वेकाव बन्ही तल सूर्य रूपी
मासर्तु रूपी धवलं व संकी
विन्ती प्रभूनं थुलला? विजेत्ता!
लोके थ्वयानां जुल आर्य वार्त्ता

[१७]

यक्ष— हे कुन्तिपुत्रः! छनगू खँनेना
हर्षित् जुये जी धुन थौँ छ खःना
फोना व काछं बर पाण्डुपुत्र!
धागू जिनं बी धन धान्य मित्र

[१८]

युधिष्ठिर—भो यक्षराजा ! छलपोल याके
 आपा जिनं याचन यां मखूखे
 केवल जियोपिं फुक भ्रातृ पित्त
 म्वाका विज्या हूं जिगु तेंत चित्त

[१९]

यक्ष— म्वाका जिनं बी तर कुन्तिपुत्र !
 व्याक्कं मखूछं छह्य योह्य सीत
 छं धाम्ह म्वाका थन बी तुरन्त
 धाधा मग्यासे जिगु न्ह्योन्य भक्त

[२०]

युधिष्ठिर—नेना विज्याहूं जिगु विन्ति नाथ !
 याना च्वनाजिं अति नम्र साथ
 अत्यन्त हर्ष वर नाथ याके
 फोना जिनं थो नकुलैत म्वाके

[२१]

यक्ष— धिक्कार ! छंके मदु बुद्धि धैगू
सो सो खँ ल्हागू थन नीति यागू
पराक्रमी अर्जुन भीम तोता
म्वाकां लुयां छं चिकिधीम्ह भ्राता

[२२]

युधिष्ठिर—सोया विज्याहूँ थन यक्षराज !
याना च्वना जिं गन राज काज
राजा जुयानं अविचार याय
ज्यूला धयाऽयू बहु उग्रकाय !

[२३]

यक्ष— हे वत्स ! छंके मदुनी सुज्ञान
ज्वीहे मखून्हां गबलें समान
तस्मात् भीमार्जुन छन्त योह्य
फोनावका छं रण यात लोह्य

[२४]

युधिष्ठिर—छिंजा सिहेस्यू फुक नीति धर्म
 विन्ती गुली यां थुगु राज कर्म ?
 राजा पिनी धर्म जुई थज्यागू
 प्रत्येक प्राणी सम दृष्टि तेंगू

[२५]

यक्ष— छं न्हां थ्य धासां गवलं थ्व नीति
 ज्वीहे मखू सो थन शुद्ध प्रीति
 थ्व छंगु वार्ता शुभ नीति युक्त
 जिंजा मखं छुं थन युक्ति युक्त

[२६]

युधिष्ठिर—कुन्ती व माद्री निह्य माम पिंदु
 जी माम याजा जिगुज्जू दहे दू
 चमाजु यानं छह्य पुत्र दः सा
 ज्यूका धका सो नकुलैगु आशा

[२७]

यक्ष— स्यावास बाबू ! छनगू खँ नेना
अत्यन्त जीज्वी धुन हर्ष नाना
लीपा अवश्यं जय छिम्त पक्का
ज्वी ज्वी थुकी छुं मदु न्हां कुशंका

[२८]

श्री धर्म राजं विल दर्शनादि
पराक्रमी अर्जुन भीम आदि
फुकं किजा पिं वर वैत बीया
विज्यात अन्तर्हित धर्म जूया

* षट्गति *

(रथोद्धता छन्द)

[१]

हे भगवन् करुणामय नाथ !
नित्य छिगू पद सं तय माथ
याइ सुनां थन पालन स्वामी !
खःप्रभु पालक अन्तरयामी

[२]

देव व दानव, मानव जात
तिर्यक, प्रेत व दुर्गति यात
शान्ति मदू रति केवल क्लेश
भोग सिवां गन छुं मदु शेष

॥ देव गति ॥

[३]

दैच्वन गू गन भोग विलाश
भाग्य थुवा पिनि खः अन वास
दुःख धका अन नाम अभाव
केवल दू सुख यागु प्रभाव

[४]

किन्तु मदू अन निर्मल शान्ति
च्यूत अनं जुइ धैगु दु भ्रान्ति
केवल नित्य अहो अन शोक
स्वर्ग धका जुल नां उगु लोक

॥ दैत्य गति ॥

[५]

भं मदु हा ! अन दानव लोके
ल्लापु सिवां सुख शान्ति सुवाक्य
दाजु किजा थव बन्धुत व्याक
नित्य विरोध जुया च्वनि न्याक

॥ मनुष्य गति ॥

[६]

दू भतिचा अन शुद्धगु हेम
मानव लोक स शान्ति व प्रेम
किन्तु दहे मदु गू मखु क्लेश
जन्म जरादिक मृत्यु अशेष

॥ तिर्यक गति ॥

[७]

गौ, मृग आदि सुसज्जन तेंत
स्थान मदू अन वास चवनेत
स्वापद जन्तुत सिंह व व्याघ्र
नित्य भिताचवनि ब्वां अन शीघ्र

[८]

दुर्बलयात अहो ! बलशाली
शत्रु समान जुया चवन खाली
निर्बल या अन हुं मदु सत्ता
व्याक्र जुया चवनि हाय ! बिपत्ता

प्रेत गति

[६]

प्रेत धया पिनि चा बहु प्यास
नित्य पित्या अन हा ! मदु वास
छुं भतिचामदु खाद्य पदार्थ
प्राप्त जुहे जुल सां अन व्यर्थ

[१०]

मैह्य वया फुक काइगु लाका
हा ! जिगु कां मदु बी मखु धांका
भक्तनया बिइगू उगु अन्न
दाह जुया च्वनि हा ! अवसन्त

नर्क गति

[११]

शीत व ताप जुया च्वनि नर्के
वस्त्र छातांमदु न्हां उगु लोके
नित्य जुयाव हुताशन-पात
दाह जुया च्वनि हा ! जन यात

[१२]

शीत निवारण यायत वस्त्र
 केवल धैर्य सिवां मदु अस्त्र
 ताप किचःमदु भो प्रभु बुद्ध !
 सूर्य थिना च्वनिभं अन शुद्ध

[१३]

किन्तु मस्यू थन मेगु दु लोक
 स्वर्ग व दुर्गति हा ! प्रभु शोक
 दुःख सुखादि फुकं फल नाना
 कर्म धका च्वन हा ! सह याना

[१४]

पालकदीन दयाअवतार !
 दुःख सिया च्वन व्याक्र अपार
 प्राणित पालन यायगु शक्ति
 दान बिया दिस बित्ति सभक्ति

आरती

(शार्दूल विक्रीडित छन्द)

[१]

हे माता जगदीश्वरी भगवती दारिद्र्यता तारिणी !
पद्मेसं ललितासना गुणवती भो यातनाहारिणी !
वाग्मी, रत्न, सुवर्णया कलसजा जोसा छिगू शांकरी
प्रज्ञापुस्तकधारिणी अभयदा हे माँ त्रिलोकेश्वरी !

[२]

देवी, राज व चौर सिंह, गजनं नागादि बन्ही अरी
हे लक्ष्मी परचक्र आदि भयनं फुकैह्य वागीश्वरी !
नाना रत्न व अन्नआदि सकृतां धान्यादि दातृमही !
फोनेश्री जननी ! विया दिसबरू आपा मदूसां सही

[३]

नेना जिं थनिजा सदा सकलया इच्छा पुरे याइह्य
तस्मात् हे मनकामना वसुमती दुःखी वयाथो छिह्य
रक्षायां वरदान सम्पदविया पद्मासना भारती !
भक्तीमात्र वसुन्धरा भतितया याये छिगू आरती

प्रवास

(मालिनी छन्द)

(१)

जलचर, नर, नारी, जन्तु, पक्षीत खास
स्वकृत, स्वगृह जोना या वर्डगू प्रवास
लिपत स लित बीहे मानिगू थो शरीर
परमपि थुकि यागू आश छं भूत पीर

(२)

परहित यदि ज्वीगू निश्चयं खःगु जूसा
जन पिनि अति योगू देह तोतेगु फूसा
यदि पर अहितादी पापहे ज्वीगु धासा
रतन सम अमूल्यः देह छं स्यंक पासा !



क्या आप चाहते हैं ?

कि आपका काम सस्ता, बढ़िया, और समय

पर हो तो आप अपना काम

केशरी प्रेस में छपाइये,

२१३ चित्तरञ्जन एविनिड, कलकत्ता ।

हृदय-कुसुम

(ले० हृदय)

ध्व सफूः-छु ख ? मानौ विरह व्याकुला व्यथित रमणी हृदयया
मर्मस्पर्शी ज्वलन्त उदाहरण ! यदि सुं पाठकवर्गपिनी छथासं
हे पतिहीना नारीया अवस्था पतित्यक्ताकामिनीया करुणा जप्रनदृश्य
वियोगिनी विराङ्गनाया वियोगव्यथा व अभूतपूर्व दृष्टान्त,
असाधारण लेखन शैली, असामान्य हृदयस्पर्शी भाव नापंदे सोया
दियेगु बाब्छा जुल धासा वेकः पित्त गर्वपूर्वक थुलितक धाय
फुकि “हृदय-कुसुम” थुगु शुभेच्छा अवश्य पूर्ण याई ।

मूल्य केवलकं =) आना

—प्रकाशक ।